

四庫全書

集部

欽定四庫全書

明文海卷二十六

餘姚黃宗羲編

賦二十六

述懷四

大遊賦 祝允明

允明以宇宙之道於我而止矣渾鴻包之萬象條之三
五肇構於其先宣尼總齊於其後君建為極臣成為業
士治為學民遵為世隨其時也易曰拘係之乃從維之

王用亨于西山允明時不自立身名隨人拘維將老而
神明中亮問學外廣有無之際三五宣尼之所營蓋嘗
冥訪其間焉斯用亨之利也暇日叙之為大游賦可以
垂語千載焉爾夫何恢慮之大人兮羗縱觀於域中柯
柘櫂以為車兮畢妙制於輪工建六等以道遠兮職三
材以行空既軒之以華轡兮又積中以堅軀招鈴且使
附輿兮龔鹿鞭而右從巾九圍而窮轅兮攷章亥之有
終跨四渤以修征兮隄華封以臨戎左賓暘於二桑兮

右嚮晦於三春前炎洲以玩鳥兮朔幽紘之夢夢耳鞮
象其支朱兮胡旅鎖於蟲封悵皇盤之下繼兮中六圍
而作宮命旋轉而內歸兮攬覆載之所有葳蕭稂之被
壤兮慈芳蘭之不茂喬隰榛與山樗兮斤文梓令速朽
獷羆豹之犇犇兮藐麟虞之在囿四鴝鵒之啾啾兮梧
不集其鳳鳥夷高岸為深谷兮堀堞礫以為阜翦珞璽
以圍椁兮童丘隅俾不菲睨洪河之橫怒兮恒襄陵而
汨宇洶漫漶以突徙兮數失色而病漕懷神功之難續

兮惋夏蹟之非舊帶衡江而修截兮判二戒於左右聯
南濱之百巒兮垂千泉而下湊亡晝夜而建瓴兮瀆交
注於揚藪潏散衍於三江兮赴伯若而為湫瀦始涖而
繼湮兮漬汜濫以妄走蹇重咽之中捷兮焉執咎於授
受慨青灾之歲成兮禪殫虐於吳畝踞沮洳而莫遣兮
耘十千之維耦驅玄黃以高驤兮循中原之舊服畫州
邑以星敝兮敞曠土之沃沃邈山川之遐隔兮空千里
於一矚憶先王之位天兮經九井以為國掌地政於司

馬兮詳同成而澮洳樹萬里之基植兮厚蒸人之安宅
固君民之比輔兮食無為之帝力厯諸聖之造述兮與
世期而亡戮何秦孝之顛暴兮益衛鞅之薄刻始必墜
以阡陌兮繼稅人而蕩滴坳坤元之綱紀兮勢一剝而
弗復艾因時以苟為兮儉彌古而偕極題蒼黎之增增
兮揉千百其品倫伊四業其各守兮剝百役以駿奔恫
窮斃之顛隕兮憎情游之猿噐絳戕之以宄賊兮樓豺
贖而食人痛九夫以征穀兮餉凶餘俾悍淫捐田事而

不男兮競逐末於錢刀集千姦以為利兮網無恤於戚
曹攜泉布而操壅兮靳濟物於一毛鄙遂縮於狡窟兮
酋驕戾於王侯工不度而作淫兮聊須庸於斤陶皇天
生此元元兮惠司牧以大君建萬邦以諸侯兮賦官士
而臣鄰寧一夫而非農兮而戴履於乾坤休茲辰其何
時兮農八一而僅存八民飧餼蓋罔稽田兮峻魯弗得
以食新均含氣於化育兮哀細人之特勤予既未穀於
道邦兮吁釋錢鏹而被此鞞紳氣紆蔚而不解兮意周

章以交馳違巖野而即市兮求化理於官司闕訟堂之
佻佻兮匐萬子而榜笞大夫繫騁而蕉萃兮不得知其
所為輿胥五百桺千獠兮引羔豚而飲之檄鼂磔而藪
運兮格辰道而申齊士呻痺於饜輓兮伍病空於陴垂
悃四方以晷吝兮甫焉得而驩熙操餘舳之蒙衝兮晨
橫江而西滌扣曾城之九重兮闢臯應而疊五印天京
之鼎立兮頹絳闕以崇鶩欽萬域之攸則兮拱北極之
星附或三殿以中巖兮

奉天華蓋謹身

矗雙樓之夾輔

文樓武樓闕

椒闈之沈肅兮峻丹陛之複護列八屯以周廬兮離千
曹而張署啓巖閣以弘文兮宅大訓而稽古坐耆成以
寅亮兮諧密勿以釐務歲法筵以尊師兮訪道揆於墳
素倣明堂之法象兮裁靡代之踰矩近堯階之三尺兮
削漢宇之萬戶廟四親以致享兮宮崢嶸於左祖右駢
祠維太社兮同先稷而為伍毓儲聖於青禁兮昭英華
於文武文華武英
二翼殿觀靡究於中秘兮規載考於庶府張
五督以詰兵兮昝六官而開部廣通政而給諫兮謹臺

察與大理太常典厥禋祫兮宗人掌其圖譜謚翰苑之
閑清兮都成均之綽撫守信玉於符臺兮顛筆削於史
注欽天審其歷象兮大鴻傳其臚句光祿精夫玉食兮
僕馬備其徒御條萬幾以緄襄兮錯羣工而牙布沛周
詳而章徹兮互責稽而斐備奕神祖之開業兮濯神宗
而善遷為王賓以觀光兮遵大路而北轅歷揚徐而齊
魯兮趨豐鎬於幽燕瞻帝居之際天兮服王心之所甄
葵啓承之有道兮蓋同經而異權屹高皇之奠鼎兮介

哉格乎淵算承乾休之疑注兮懍坤輿之饒瞻執天德
以守國兮豈徒防於天塹來百蠻之賓王兮會諸侯之
覲獻岨文宗而上徙兮扼荒戢之突踐居高屋以尊臨
兮統衆星而北面提四外於有截兮晷奉時之英見亶
鴻仁之積洽兮熠光重而紫宣鱗百揆以具張兮轂皇
極之中懸職工僚其偁偁兮稟成憲而周旋惟張弛之
殊科兮深忤惑而眩悅殆愚固之莫僚兮緯有幾於攸
先山臣銓草樹而牧麋鸛兮焉能覘其韋弦匪余位之

所謀兮嘖奚煩於菟言思沉潛而內求兮憺將歸乎故
苑繫佚足於管限兮擣鴻芬於楛簡聒萬夫之交鳴兮
佩六編之神典探經邦之遠猶兮察庶政之竒變逮長
古而周歷兮該千岐而綜練勵勵迹於滔天兮抽幽緒
於獨繭殫精誠於至思兮肩无象而諧券情虎窟以條
况兮志強毅而逾練遄上升於至陽兮曠皇人之垂見
發秘鑰以授余兮殺炙筠之玄篆吟微辭以啓悱兮歎
樞栝之精雋忽不悟其所如今肩儻徊而徯旦宓閉關

而函光兮幸韜聞而滅見散神明於空靈兮泳皇冲而
教衍兼萬化於芒機兮統三極於一貫識天人之變成
兮假幽明之互贊寤道器之相咸兮歸有亡於亡辨漸
歷聖之繼天兮討千文而同鍵杲曜靈於永宵兮齊受
法於皇旻承皇命者犧兮始拜受此玄文九穹無言不
愛道兮勅地寶以龍呈栝五十而有五兮峙大道之靈
根五相得而有合兮成變化以行鬼神觀穹文而祇理
兮載取物與諸身爰立卦以生爻兮用四尚而成萬營

居觀玩以既得兮動假筮以質成橐萬化以鼓舞兮漱
千妙之幽源崇守位以財成兮織出入之紘員洞生死
於原返兮了情狀於游魂冒承燾以彌綸兮貫異同於
千門逮農軒而顓訥兮迭奉帝而詔人因龍鳥與草木
兮依水火而風雲備物象以周世兮拊養本於生民代
泰穹之何言兮晬神心於三墳司重黎於二正兮構貞
厯之四分唐欽昊以授時兮宗厯象而三辰虞絜齊彼
七政兮在璿璣而玉衡原欽明而被格兮址時雍於睦

親粲重華之協帝兮終命位以升聞恭垂裳以無為兮
巍成功而莫名扈文命之神靈兮默取道於清玄奠山
河而再造兮相天地於成平帝重錫用玄範兮誥龍龜
而眎敝舒九章以列對兮妣乃第之以類成遘殷周而
密畀兮令箕武以載申揭建極之元則兮握天人之關
鉗援神器以設教兮假泰卜於歸連眷岐封以下鳳兮
勅尼泗而來麟三聖演翼夫羲畫兮文王周公孔子旦疏官而
盡君官周亶羣經之自聖兮以時差而錯出孔完天以總

聖兮萃整齊而立極道有本末而著微兮本微既其在
易張末著以長世兮諗禮樂之為急誠修身以御家兮
弘治平於邦國作人備乎儀文兮宣和興於樂律稽典
疇而作槩兮耿二史之布策左放墳丘之眇綿兮縱唐
文而姬歷晒嘉謨與大猷兮心偕事而錄實闕刪述以
詔來兮立型模為永式體二篇以樹本兮用四典以示
則二篇者易四張人綱以持世兮參成位而撰畢世惟
典禮樂詩書導而勿渝兮躋天心與聖職真弗由以顛隳兮教乃廢

而代汨聖何道而援若兮懣不位以敷德掇侯史以衛
經兮叛予奪而作格尹天明與王憲兮準賞刑於霜筆
三代絕而世變究兮六冊具乃聖功訖理與事而偕著
兮勸交懲焉縣植以為治以位天地兮違斯亂而乾坤
熄孔既翦齊乎千牘兮攣綱要而綴集愜漢武之中興
兮業躅孔而均績蒐獲僅於百篇兮訓終代而已給云
理道其亡垠兮亦庸傷於多逸書枿缺落於完籍兮咨
三簡之不沒儀周小戴三禮何長息於逝者兮摩存緒而弗繹

抒人情以合化兮亮聲詩之為特悲忽亡以永昧兮聃

天聰於瑱塞旼律天而襲地兮睭憲章而祖述

此下還謂今五

經

維天地之為大兮代天言而不息蒙遑克以辭贊兮

代奔走而靡斃迄作息而微顯兮咸由戶而出入考羣

聖之攸作兮罔非天而自隲綏顯微之故庸兮覆相質

而弗忒普含生於兩間兮誰違天而已立感微賦之有

聞兮懼白芬其髦習拊修辰而暨寄兮矢乾乾以永訖

泉千氏之攢叢兮助馳蹠而翔翼覽諸師之襲述兮披

衆聖之膺臆芑鴻纖以條䟽兮弗衷表而協一適游漢
以游唐兮惠畀受以綿密考靈奠示乎度躔兮眴焉察
夫天日被賢恩如面命兮等父仁而焉域咻後者之剽
贅以沿茲兮吾將暴諸同心而未覲彼固自為至一兮
謂精義之我集泯前修之夏業兮迹深扃而固匿何斯
今之膚獵兮愁捐甲而逐乙頰高皇之垂誥兮酌交以
而無僻詔士治經用古注
䟽與某傳說云云羣生曷靡靡乎顛視以奔時
兮敢背祖而妄執寘聖謨賢教於公擯兮趨胡悍而胡

逆疇鳴閭以一匠兮擗千載之流溺歲悠悠以墮頃兮
洪章殆終乎罄滅聖乘時以施化兮賢隨時而成謀謔
憂樂以行違兮肆有用而亡求賤將五十而服政兮憚
往日之藏修辰其息而亡悶兮警將放乎大游擁良謨
以匱韞兮弁消搖以夷由摯千業於一函兮諒奚之而
不優出遵宇而遵塗兮邁九躔以環流駿一日以千里
兮快崇朝而九縣指河冀之上領兮隱嵩洛之中壁紆
三五之更都兮應玄樞而流建則乾元之用九兮灑海

寓之疆甸大畫圻於方州兮細規土於井田烝哉先王之宅中兮憲井牧之攸便悼荒泯於周桀兮流一潰而亡返沈余慮以構植兮撫餘規於漢彥籍民品以有定兮括肥壤而制限定永業於口授兮分授薪以購羨縣百級以酌授兮人無食而不佃井田不可復請為均田盡地平賦三道立田制為三科每科為三限五十等百級自五十畝至五千畝也凡一民不得過一科先過制者籍之禁毋得更市田以其羨為待分平易二法待分者分其羨於餘口及通籍凡官民無田及少者酌授之而歲收其人之半為價償故主足則已或能頌償者聽析羸田之南民兮易中自籍民品以至此言均田也

原之隙衍每縮析而羨授兮足牛粒與舍广稽十秋而

合貞兮廿有一而始斷

平易者取其十則易償以中原西北隙土十有五并牛粒廬舍

凡二十乃分其口今往懇歷二十年而其稅足然既均後征其十一永不加益自析贏至此言盡地也

田而盡地兮乃平賦之有漸都一郡之稅額兮總重輕

之原版駕履畝以周旬兮核腴境之實算各斟勺以損

益兮為新條而升殿第融紐以少均兮總無減於舊貫

既不縮夫邦計兮庶重負之微嘆自理郡及通藩兮究

海內而普徧若明后之牧宇兮更審地而制典租必當

於壤力兮居中正而永奠

此言平賦天下賦半東南今賦特蘇郡極重民皆痛賦不

當田又偏重緣以王制不敢易請融紐之如一郡之賦四重而六輕并為十分乃覈其田腴幾何瘠幾何隨以定賦損之益之以總足於舊制之十則不縮國資而賦無偏重又以是廣於他郡又廣於藩省以通於天下然少平爾不當地之輕重若能請上更隨土以定額始為中正以上三法具見祝子通此所陳乃其粗畧爾急東南之倚重兮最水利之難善偉高平之所列兮足紀綱夫羣辨范公劄呂中丞滌宣歙之上流兮濬百瀆之聖淵宣三江之故道兮堅圍墀之防堰瘋白茆之海咽兮趨百川而吞嚙病雄潮之日至今挾塗沙而壅填非時扶而

歲別兮道奚出而不汙遯民勞而費穰兮役頻興而婁

胥顧靳疴以有瘳兮而却藥之瞑眩茲譚固諧理叶務

兮又焉睹夫物狀之繁變盤盂之有稱兮道中卑而表

淺謂吳地與江平其間田又有更下於外水者沮洳已膏腴兮欲夷之而且

戀戀猶惜潮淀為田者亦利官民是亦一理然猶害多益少撤梁而斬荻兮揆亦非

潦疴之專驗如撤長橋刈芟葑至欲廢吳江縣恐上流非盡緣此而阻若阻此獨病橋上田幾何

許耳水既出橋雖少緩芟不全阻安得專尤之循諸貌以發救兮又豈一端之

已辨救術獨統夫宣防之二歸兮在交施而各殉穰衆

瘡以叢軀兮翳曷弗周詳而異按長河滔滔而東駛兮
歛怒嘯而橫濫夏跡漠其非故兮洗亦不恒於一薦術
固率彼其二歸兮亦與徙不超於三揆相時宜以各庸

兮厥亦斯其樞捷廣征輸與兌漕兮擬重陳而歎倦征餽

雖敵在隨時酌究此不詳既莫北都此不可易官歛民以藝賦兮傷哉冗或踰
時踰禮謂名不正者憾牛毛於先王兮又安能一切而屏置率

土殫供正之願兮誰將不恭以沽戾憾綿肌之殄瘠兮
而剔剗以無已嗟五材之給世兮出與沒宜相視彼濫

耗而潛匱兮顧不與司存之計

謂不經之費戶部不得知之為行止

傷財

既莫由斯兮責求之而獨委

傷財不全由養兵及土木等事必自有在

版十

稔而審易兮徭一霜而均制

法良而情隱兮職競人

以舉替業春陵而秋谷兮能

鑰察而銖諦切考心以仁

公兮子殆少於偏蔽悃存用

於智數兮神鉤察於聰慧

拱默化以望孚兮幾茲途之

攸貴齊民生生大校兮凡

農商之歸二丁不足準兮田

亦多昧丁或少而雄多而弱昧言難的田

多聲而鮮實兮商態錯於內

外田有瘠肥稅復偏重高有肆華實薄或本假貸

或閉戶而盈箱
或豐貨外行類
惻賦與工之加患兮從或董之王吏征

余駕而流觀兮覲懷生之遑遑明王厚下安宅兮類四
族以為邦寡冠領於士儒兮曳尾均於末商雖搏搏其
異等兮貞萌萌之天良譏異世而殊道兮薦多門而分
張繁胥徒之蝟蒸兮裂兵農而別行悵庸主之失馭兮
魚不麗於王網昧邦本之逾寡兮縱冗雜而日昌閔四
窮之無告兮憶三游之陸梁焚汨蠹之旭旭兮鼠化虎
而羊狼伎乖絕於人道兮曾何有於天常余蒿目而傍

睨兮孰同淚之淋浪認同類之乳育兮寄食貨以為生
古君王之子民兮廓一視而均情制生食與裒散兮揮
羣柄而不頃自彼君之繆術兮務姑息而倒衡算工車
以為利兮崇婦臺之懷清商交農而雙厲兮末顛本於
不平悲歷國之臨財兮每剝下以踰羸賊哉安石之聚
歛兮詭士術於王經謂周官蔑均田以建本兮僥垢源於
流澍匹公姬於仲鞅兮企仁周於暴嬴侮后民曰均利
兮實胥戕以互蓄歛既無克於迷復兮盍先取於無名

走中原為治亂兮信珠玉之不脛持大道以生財兮皓
千古之聖程懔氓斯之已懾兮日盪氣而涸精弗少拚
以叔隸兮任嚼酋以無生彼多逐於商末兮些侈之以
豢兵或徒食於釋老兮武餽賚於來庭嗟何有於二教
兮眦頑冠與穢髡惟玉食而海富兮烏有尚夫並耕鉅
創至濫以冥輸兮時有在而靡懲所在兮見後惜疖子之乞人
兮曩有政於周矜眇窶甲之微限兮如來者之日增一
是蓄之為養兮俾溝壑之不盈簡大夫少強力兮并關

析而牽征資官殮以免丐兮婦給衣以妻軍

取丐不廢者什伍之

代挽緯率婦可與人處者補戍妻以購貲半治衣衾半給之詳子通

泪流蓐之瘵積兮勿

客視而庀營至即團以為戶兮給廩飼以為恒移土邑

以財輸兮吾特為之鼎鎗

移文流蓐本貫令以財來廩

綏漸運以交

拚兮一仁視而不病苟客者之過繁兮著吾屢為土氓

憐汨治而戕天兮所鉅竅惟民螟攘哺嬰之微餐兮饑

餐夫之已瞪禽郊牲之肥膾兮養羣逸之蒼鷹委精純

於塗泥兮虹邦產於一粵沓伍伍之蝮虺兮吾何舌以

指稱

此子通所謂汨蠹之民前言賦財二端故及所在即斯耳

皇威無崇而必讐兮

震乾剛之旬旬凜岳歷以霜殺兮烈鈇鉞之馮陵慄神

令之赫迅兮驚歛電而轟霆奮寇賊而姦宄兮迨汨蠹

之伯洵孰承天而法祖兮屠羣豕於一鋒瞋萑苻之日

繁兮欲屏戢之焉從聖訓止於不欲兮賢獄市以屏容

予其懲而猶異兮有殊初而同終矜狗鼠之偏餒兮怒

獍梟之鞠凶先釋苛於斂徭兮遂嚴致於搜窮宓宥過

以刑故兮茲刑罰之為中坦大沛於潛竊兮劉姦殺之

惡雄勿參差乃絕判兮皎冰凜而曦融省潢池之披猖
兮舉兩初以為萌懇原情以審勢兮慎蔽法而即戎戢
反側於招綏兮肩凶渠於大蒙報怙虐以洪威兮與捐
苗而芘螽須慎察而痛劓兮裨皇穹之仁公古王者之
保邦兮作師旅於地水茹容民以畜衆兮田偕武而興
制垂列國以交更兮之秦鞅而大戾后厥時以逾遠兮
碎槻裂而為二醴頽波以下注兮寧能返乎涓澁謾譚
計之諸諸兮僉傷養於大費亮先作之叵復兮替後述

以多貳但熙寧之保甲兮校拓跋而猶奄微因損益以

張規兮亦善謀之亞誠采材官於漢矩兮擊府兵於唐

載躔長源之嘉尚兮擷稚圭之美議

唐宋李韓二公

重時募而

精教兮乃要切之至最竊虞夫謫戍之永終兮拱甲令

而文致法常陸於滋久兮即三五而須異

異者改

蠢匹夫

之麗辟兮將不宥於十世

遂至無窮

豐廩養之長廩兮且望

深而感細况懷土而迫窶兮由竄迸以川潰遂益之用

核追兮煩鈎攝而部遞紛張官役徒以擾擾兮日馳驅

於四海實惟益薄而損厚兮宜亦矢謨而請裁萬幾數
求言以罷行兮曾不狂夫之為臯非犯忌而亂成兮謂
効忠而襄治既未薦乎野謀兮敷公仁而從事軫鄉思
而甲蠶兮懲抽力而誅賄完家室而固志兮周粟帛以
強體時蕃土以休容兮辟賂免之姦急拔私徭之長侮
兮襄侵培之積穢故雖小而必刑兮兵無伍而不次挽
千漏於逸粟兮剔百門之宿滯力訓閱於徃圖兮帶財
蒐於儒吏揆張皇之弘要兮知亡踰乎簡帥祖仁義以

為質兮厥楨之以勇智律經籍之典訓兮研歷史之成
敗厲瞿瞿之廉節兮佺矯矯之直氣勤步伐於苗獮兮
豈臨機而尋藝推請論於司馬兮命畀簡於宸扆論必
斷於援賊兮斥浮聲與柔蕙者授鉞而推轂兮勿叅之
以弟子軍容何為往監厠兮嗟乎李趙之階厲將携壹
而債克兮夫焉有於此係覈諏研於績敗兮畛賞罰之
昭晰彼屠降與殪良兮兼粥級之作偽偽多報級數毅戎昭
而不弛兮飛蕭斧於誅刈毋徇免於援議兮必姦絕而

而良勵銷枉毀於貝錦兮破滔謗於珠玦熊虎毅其六
師兮魚鶴輯其七萃務貌識而音別兮啓閑練而衷義
悛強足與密代兮直寄命於童戲

謂臨事暮不精實苟用充數與私倩代行

媮姦宄於中邦兮衛天險於荒裔林建國而所民兮處
有整於職方藩周飭於隍陴兮垂堅密於關梁崇函夏
以立道兮隋百代之大防訐天王之集統兮越歷古以
包桑樊封畷之峻截兮戒勤遠之否藏頻迴譯於異貢
兮只收誠於來王

事見祖訓

宵色羞以餽女兮焉自殘而割

疆無歲賂之坐凋兮有互市之交償鑠皇代之神聖兮跨
振古而無雙偉神祖之清漠兮恢王威而四張燠簡任
於干城兮專權力於鷹揚弗牽肘於彼夫兮譴賤得而
姦防為恤士之無實兮猶舖饑而搯吭眈衡瞎以八燭
兮迴浩劫而未央怒遐萌之繹繹兮附九埏之芒芒徂
日用而莫已兮串出入以隨陽憲亂衆而治寡兮吧樂
矩而憂長念蚩蚩之錯產兮不越茲以成邦愴美惡之
必兼兮謔獨藉乎四良噴茲良之自植兮隸素履以獨

守每自彼以戕陵兮歸帝彝之固有相斯辰之攸賴兮

祗俊髦而峻叟眊既瘡夫不井兮晞三法之或救

三法即井

田盡地
平賦

尚稽實於征輸兮還微息於頻朽恐二子之終

夢兮虞和緩之懷手蔚大氣之紆蟠兮壬胚靈而降秀

顥蒼惠錫夫后王兮君成之乎黌校詳養射於夏殷兮

具司徒於周教帝首出以廣運兮幾新邦之綱要舍賢

能而安藉兮投碩材其安構渡長江以整旅兮倚干戈

而詢道築禮賢以館傑兮聘名哲而探討及鴻圖之懋

建兮夙教士以有造溲辟雍之湯湯兮溥侯類之浩浩
範端嚴以恢緘兮思周微而懇到曰成賢以為期兮憶
羅才而畢考藹思皇之濟濟兮聳周楨之廣效其在今
之司存兮澌郵委而同眇眺儒堂而聞其兮凝沈沈之
半沼籍束閣以停披兮琴絕絃而歇操填胄省之青衿
兮日聚散而三造俾庠黌而率由兮亦胡辨於土偶之
淫廟獨糜財以備聲兮疇蒞牖之為了濂法意於餽羊
兮名將實而柄鑿崇術四而尤餘兮僅偏誦其邇小辨

曾患乎先藝兮茲并藝而草草幸王國之克生兮士不
乏於覆幬業每樹於高遐兮履亦周乎末杪羸駸牝而
如雲兮夫奚失得於櫪阜嗟嗟吾黨之徒兮要賢聖以
為期放四科而八行兮舉六藝而百家究學問以思辨
兮劭仁行而寬居行成物以博濟兮卷善道而遯肥通
天地人以稱儒兮贊化育於玄微國縣斯以求媁兮士
執應而登之學由循以成士兮教率章以為師時與道
有違行兮臺詎隨以推移啣蝓蝻以自細兮胡不輪治

而駟奚初既育乃后舉兮儻科條於隋唐務拔萃於大
公兮倍駿立其周防索理性於經術兮攷全畧於文章
方政事之需試兮策時宜以多方為程寧弗良盡度兮
逐有司而淑涼來薄海之彥異兮危尺蠲之莫當予歷
觸於禹穴兮胡鼓尤於鯨鱮余有貢舉議大旨若此迅賢豪之絕
羣兮挺堂堂之贊皇麾時科而弗即兮喻龍媒之越行
洵靈駕之不種兮聳萬夫之攸望鄙負羞於大人兮空
趾壯而心長進而遠而前卻兮澹胡為乎皇皇矚時髦

之升庸兮耀勲華而頡頏倖霜蹄之超驤兮後何有於

王良羅目千以得一兮先民所為悲傷

羅以多目故一目得禽今為一

目羅則安得士本古語王通亦稱之

睿謨固經於神運兮勿拘梏於尋常

彙小大以兼收兮悉側陋而明揚詹百材於場師兮共

京構於明堂掄稅楔以畢良兮粹豈獨於柱梁以周完

而大壯兮庠備具而豈康害超等以異懸兮擢萬羽之

孤凰或科存而弗舉兮徒惋遺於衆芳為國惜才何人

斯兮謨罄畢於鴛鴦鱗甲乙於一班兮可百年之短長

何斯據以卒躬兮信輕軒而弛張上既馮以升沉兮下

亦自為摧抗坐弊日以淪胥兮叢倖望而縈妨望怨也尋

世科之有無兮與第差之低昂鑒才出之先後兮及卷

舒之靜庸孰失得以饒不足兮孰隆汙之存亡隆汙謂美劣存

亡猶有無也爾其鋪觀而平角兮成效不其已彰繚庶位之

崇卑兮環中外而周設尸修政以立事兮並陳力而就

列今視昔以異宜兮沿與易而殊節祖建典以官士兮

掄時宜而章別多率舊以監成兮掖無期之皇業劼兼

山之止位兮臣何知而嘖喋想拱職以綢繆兮熙庶績
以咸凝唐虞和於朝兮賡元首而股肱昔秦人之僞亢
兮儕百辟於倌倌後秦胥以沿洄兮且肅體而諧情貌
隆坐接兮呼莊君卿塗黃還命塗勅繳兮席前目征目
崇庫必詞兮揚抑告行皇王建設兮簡要以殷殷中諱守
官而罔道兮愚深昧於茲評王用道以命官兮官將道
而為命蒙夫昧體而守支兮直置道以徇名逾追執以
滋顛兮佞齟坼而拒撐交隔盤以無通兮不相謀以相

能臣殊僚而一政兮肢連體而析形成左趾以將東兮
引右彖而西脛各稱官而罔道兮烏不病殘以殞生宰
萃士而一命兮粗因科而下上既蒞政以稽績兮復何
初以為量年疇力於良庸兮才奚由於耆壯木不谷集
而郊韡兮材將鳴寃於族匠非祖宗之盛心兮蹙後時
之膠狀假三五揀斯方以舉錯兮當亦迷八四之直枉
八凱何莫峻登其異傑兮年序以餞夫尋丈儼筆工以
四齒醫傭兮濁銅駟而穀養汗王章以蠹緣兮誨邪陵而貞

障猥膏紕之流蔭兮偉漢疏之直諒

王吉請除
任子法

縱故襲

之未革兮又何弗涯於滌沆凡斯亦不局之貴兮非清

波之都喪

非盡無
清流也

聲復侵夫無擇而無止兮益皇涂之

泆瀼聞方人之不暇兮識野求之無讓將循位以求理

兮匪稱人為標榜槩焉名襲而任別兮姑試徵二三之

改尚公孤寵貴以年登兮未或倚其燮亮

用為九卿
資深之寵

寄

甄鎔於中相兮獨調衆而拯病天曹天下之才庾兮無

暇遺而倖調懸鴻鑑以八照兮能薄號之故妄慕邦本

艱固而易廢兮，盱司徒之斯。伏黨耗國之職，思兮拱三
緘而不創。懲創非睥睨於竭澤兮，哀株守以循罔。祖議禮
以作制兮，綱維誕其貞。廣豈科條之無俟兮，虛百年而
亡訪。憚哉今之為政兮，執邦刑以不爽。惜死法不死情
兮，殲十九之國命。抗儒抑法，誰為異家兮。腐生迷而弗
講，豈三尺難求於六籍兮。對刻木而愴怛，世生才以為
士兮。才弼辟以親民，顯利用以成務兮。幽履道以媿身
靜庸兼維天之命兮，士也允三才之珍。偏有才而善用

兮聊銷慚於宦塵守罷駕或不肖兮世何懼而尊親彼

斗筲仕以為己兮用以學而為人

已富寵人求知

民何仗以為

長兮后何藉而為臣噦予固艱夫欲議以畢偁兮亦謝

此不尊而弗諒恚心亨而道塞兮旦綿綿而斯往庖人

不越乎尊俎兮陶師握其范模作者熱其亡為兮藏山

澤而為癯余懷靡得於斯兮求茲人以為徒去城郭之

垢氛兮嫁岩谷之鬱紆漫陲靡以豁廓兮蒨芊綿而周

遮岑峯嶽而謫鬼兮流漉幽以趨渚儔俛廢而騰伏兮

連庚乙而几几絢時榮以繪繡兮戛鶴狔之笙竽聞無
人乎崖竇兮鞠幽求而單居末寢食於皇區兮安平康
而樂分綴聲籍於士舉兮足瀕申而猶遯懷君恩以無
酌兮慚魯子之葵悶抽長沙之太息兮夢宣室之宵問
敷前聞於沈臆兮嘏婉約而莫盡功必一於天人兮理
不隔於顯隱通千期以一契兮右皇靈於無泯奭明王
之天造兮蒞日中之豐運塞王猷以登咸兮丕重堯而
襲舜學無恥於不穀兮尚席珍而玉韞若木不示乎世

標兮神鳳無諧於塵韻天錦莫覓其機杼兮媵三籟而
微引先素王之昭誨兮蓋二方以容世謂初道而繼齊
兮有政刑而德禮上焉恥且格兮亞且免而無恥明良
誕務其至今烝率次以仳仳并殄殒以諄捐兮植人洼
而時否政刑洵異夫今古兮緒言無庸以究齒德如毛
而鮮舉兮禮司存其議擬倣鴻濛之已渙兮佑作聖以
君鄙大人後天而奉時兮惇五典以為紀搯三百以為
經兮紆三千而曲致摯元功於贊化兮全備體於唾涕

措萬品之手足兮秩其紛而壹貳衆高沈而彊變兮參
森音森岳砥而柴虎竇一抉而橫趨兮倏滔天而洗潰非因
情以植則兮溘焉一而焉濟唏失德而信薄兮忍謝嘅
於周史荒哉厖訐過乎標枝之不還兮將非禮而奚以
禮陰作與生俱兮樂陽來而儼啓聲容達而生神兮體
音澌而死鬼肆犧媯迨姚姒兮極陰陽之文理裁衣裳
以吹匏竹兮熙殊造而均旨柯出梯以為華兮毛傅皮
而成美奏至治於雲池兮盡物性於宮徵遊盛皇之厭

世兮寓大柄於遞位雜狡童與昏夫兮墮王彛於裘委
姑何別於芻靈兮冠裾具而亡裏維禮綱於五端兮吉
無先乎郊類莽欺天而侮聖兮軾輩申以傳會唐既蕪
以並配兮宋逾淫於赦賚設有妄於祠衣兮位有汨於
桃_{以上言前代}禭_{郊廟之誤}家庸行而不知兮魯無違之能幾猥

趙氏

武靈

與北代

拓跋魏高齊宇文周

游變通於遐裔底蒙古之寢

熾兮羌增廓於九圍非穹皇之命聖兮疇能擅此勇智
祖一匡以再造兮駕百王而絕儷篤父子以孝慈兮協

周文之敬止董百官以為朝兮截冠烏於首址肅大別
於掖壺兮斬收承之顛穢罔前星之繼明兮郁青坊於
繼體羅九服以樹屏兮藩不億之其麗釐羣神之淫號
兮叙百辟之規第推文質以四達兮布方策而漸被蓋
郊廟之大儀兮時乃定於睿志馮三重而建制兮曰非
君其不議倘時命以下詢兮嚴丘澤而敬事象雷豫以
張樂兮薦祖考而配帝侂權輿以成德兮善武周之斯
後還昌期而隋愒兮抑將順之能怠較民用於茲辰兮

纔一合而百戾胥濫越以敗矩兮淪逐欲而鄰戲誅輕
重之不權兮誑僭陋以交昧委筋力於無情兮擿貨財
於空棄儼衣冠以臨莊兮况大君之斯侍端章甫如會
同兮可非喪而去佩詎公廷之為燕兮襲長裘而蒞視
噫人服之不衷兮臯孽孽於卉毳玩好奇之盈冠兮惡
衣妖之怪忌殺室舍以什皿兮等衆歎於一蔽余既未
聘乎上國兮望王懸而不耳過閭陌而或聆兮闕緇黃
而倡伎亂一雅以萬鄭兮粟四戎而錯厠日作息以震

驚兮駭律呂之焉寄嗑六合以恒瘖兮睟九陔而悉贖
八門張而何風兮四時行而何氣雅烏噪於晝日兮鸞
鷲翥而不睨願穹輿之定位兮礮風雷之鼓吹庶草木
以有條兮噬蝨蟲之吟唳僑仲佐伯以尊王兮使其民
而有義臣何望於今堯兮不觀興於茲禩王乘龍以中
立兮治六有於鑪鞞根人綱而植初兮落有家以俶載
簡姬姜之世貴兮愛任姒之徽嗣述關雎之窈窕兮論
鐘鼓而樂只貽銑鏃以前却兮暢迭御於朏朏親郊禩

以降乙兮儀姜嫄而第子擇周宗之妊傅兮拜后夔而

教肆密緝熙於光明兮斲刁牙之侵壁扞千邪而勿接

兮賦萬幾而歷試

太祖故事

隆親親於九族兮勅章條而登

殺鏡前塵而邁拔兮羞田恒之怵類勦實產以隸國兮

歲坐觀其銍艾保堯睦於不竦兮供虞接於無匱弼支

蕃而土限兮司存寧能以無槩維天王廟世以七兮實

殷周之弘制茫皇古之靡究兮二代亦復宗異

上古未審夏五

宗高六宗然七世之文本商書

如姬周之二室兮固不祧而非次

文武二世

室不祧其後王時七世固在二室之外二室非七數別太祖以特立兮三昭穆以對蒞乃一祖而二宗兮與四親而共備迨後王之復宗兮猶文武之不替迺七世以為恒兮確古今之通誼於皇明之握符兮羨天涯而地際睽既廟於有七兮那千萬而莫計皇高文之巍巍兮擎百世之永繼丕承烈於歷葉兮列諸宗而裸餼撫大典以徐謨兮意冲襟之不易纘昭穆以無紊兮乃傳世之常系或頡頏而高卑兮儀馮從以位置匪今晨之攸聞兮法周知以為貴曩聖

祖之不訓兮定儒臣之請禘

御史達魯特與權請立禘祭上命儒臣議議者以始祖

所出未賾趙氏之禘祖兮亦時焚於僖藝侯王儀之不

襲兮曷由疑而永廢當肇統而慎始兮固宜存而不遂

始謂始祖所出

累重光以欽承兮將神靈之有俟盍懋建於崇

典兮偁宏義而時起

高帝時固宜存疑未立今七廟已備已立禘祫以義起高帝正東向

之位又今位與古昭穆亦異

地時正而道合兮從心究於內外暨孝

順而誣潔兮悃皇彝之極至洎儀章與物數兮比聲詩

而容綴載采采於羣神兮莫不審於享祀開明堂以嚴

父兮汗大號以施治隆法宮之九成兮翼前朝而後市

書三接於康侯兮旦五徹於弼士

請舉祖宗日三朝故事

更叔孫

之絕貌兮整鈞陳之法衛幄明王之采章兮東鹵蹕於

羣代被黃虞之法服兮禕日火於繡會貞輿旂而籩簋

兮盡生用之百器蒐古今以分宜兮區雅俗之殊裁革

淫巧之吮靡兮絕羌戎之陋悖后模臣以逮民兮宮刑

廷而御海王有三以寡過兮果風草之相逮常經總乎

嘉吉兮與賓軍而喪祭周上下以用施兮惟日見之為

帛爛揖讓於交際兮或玄黃而牢醴纒目縷以條支兮

陳更僕其焉既雖殊王之更轍兮儒亦紛其翰鞞挈往

辟之故秩兮窈三典之略在

儀周戴氏三禮

辭有單而已蔽兮

道有一而知二迪在者以推施兮僅含氣而亡愧徽列

君之有作兮荷羣政之勤惠諦繩矩於銖權兮研節度

於旒繫覓迷途於擿埴兮興證辨於張蝟署根枝以交

參兮部優劣而互採鑠開元暨君卿兮亦司馬而無晦

頰今昔而時措兮斯數家之為懿按三經以疏繪兮又

莫茂於先輩

前後議禮作述者浩不可數互相得失得之多宜於今者大帥開元禮杜氏通典及

司馬光高閎朱熹數氏其為三禮注疏若圖譜如馬融三鄭偉昭王肅虞翻張融賈公彥孔穎達聶崇義陸佃

等皆經師啓述之功尤大先輩謂此

煥堯文於神祖兮大集成而班賜茁

楨祗於恒性兮順條柯於日履申邦教之森矚兮補未

克之伐細鋪遐邇以折裁兮要覲時以為揆剗昏狂之

僭濫兮備眇忽之不暨匡以居正之名兮章以昭明之

軌來九苞以均係兮諺相鼠之造死遵王度於截防兮

允蒲盧之可企觀天文以察時兮貞順叙而貞明昊穹

牽而西股兮儀娥錯以東行訂俱右之臆談兮淵鑿破

乎迂冥

太祖詔改朱熹日月俱左行之說

檢班陳之分土兮何壤局而

霄弘

班固陳卓星士之說天大地小不為允審

嘗有貳於分星兮亦未究其

諦精夏曷不中近天心兮三隅偏濶而空宏經舍輒以

環轂兮二十有八而咸趨中謂地雖曠而邊遠兮分廁

占於規零豈理果能御器兮器乃因理而不通測遲留

於伏逆兮校容留與無名綜天官於靈顯兮罔休咎之

分徵珠璧信其有期兮同上下而清平氣多符而罕戾

兮翼傲修之有行

天文祥異應不應者以氣理事人四者參錯不齊非可以類必膠師執用

類索不視三端不應正宜爾乘除消息又本各不一如日月五緯合聚以算本有常期期屆是氣之元亨世常治斯自然之符或世不應氣此他庚也故王者當傲心修其行以應氣耳

矧氣否以變沴

兮漠不省其遑寧眩歷代之愆臣兮選治歷以齊政遡都闕而下之兮孔難割於一定監徃故而聿造兮大統於斯而為令彙羣造以折衷兮改月令以守敬免久紐之必謫兮徵良師以時訂曩授時之可採兮祀四十而已病

元用授時法上尋千載不繆而下以推來纔四十年已差一度

嚴緹室以候氣兮

莊脩表以測景於製律以治物兮鍾一正而萬應既禮
達而政修兮馴刑清而世康愷人蕃而物條兮曼至和
以充盈王中正以居心兮氣驩通於蒼黃玉燭炘熹乎
泰宇兮員嘉來而八風平禔仁浹而功振兮鳥沒世而
不忘騰風詩以交宣兮鏗作樂而薦享本吹簫以造律
兮擢五要以為綱劉歆奏備數和聲審度嘉量權衡五
者五者為樂之要衆言不齊不復能
此易緒審泰以立管兮正九寸之黃鐘各三分以損益兮
於相生以旋宮均七始以為調兮八十四而成章間者

潤焉夔曠之無作兮術布策而炳明

三禮國語呂覽漢隋史

渺杜

荀之神解兮代已希而非亡

京房杜夔荀勗阮咸萬寶常張文收輩

謹述

者之悟謂兮議驤烟以言攘

自漢以來張光嚴宣錢樂之祖堂梁武帝信都芳陳

仲儒鄭譯蘇祇婆祖孝孫王朴和峴實儀阮逸胡瑋劉几房庶范鎮司馬光沈括蔡元定等尤難偏舉如何妥

牛弘輩無可言至魏漢津蔡京等益繆爾

遴執隨而成渝兮非數詞之已彰

肇和聲以製器兮倚度曲而綴行摘竒眇於純和兮援

絲密於腐常衍歆神而賓德兮戡哇鄭之猥厖彼金元

之系統兮聲後國而猶荒沸俗躁而胡疾兮且將裁而

未遑

躁令人輕輕則多犯疾急也急令人僑僑則多畔

皖斯音之么末兮爾猶

昧其條章

今北曲出金元固非雅製十七宮調今但十一而律又過高全失中和病本由絲音肉音

鞞杭歌其何響兮鬼啼嘯於晝梁

謂今所謂戲文南曲本出南宋温州全無

絲髮可成音律畧不足接耳目

鏜吾聲之有作兮融噍殺而鏗鏘頌皇

烈於神明兮適今時之豫昌

假令今製樂大畧律宜大下於今俗倍而微高於古

律緣古者氣大和今氣大戾更化之若從大戾驟返大和亦恐未遽得或漸次徐變俟少久人與天地氣應乃

更歸純古可爾

延鴻碩以倡構兮逝効工於更張即二代元之

俗譜兮鑄昌詞以雄莊給比閭之小奏兮鞏備部於下

堂猗帝德之夏殷兮般穆穆而鎡鎡誕先天之下兮至
海隅之蒼生吊幽明以效答兮邵六幕而同風遐休嘉
之弗呈兮抑玄文之或爽五曜潤於乾垣兮五財理於
坤軫河岳位而激靜兮四類效其靈命萬祗嚴以衛釐
兮魑魎伏而不眚民於變以時雍兮同虞方而風動蓐
王區之棫樸兮天命生於熙朝皇契道以盡受兮非行
違之異標器必蘊於徵庸兮志須亢於沖遠愚幸賦此
玄玄兮愕夫人之宅操潛茲未之或悶兮令達又胡以

宣驕已焉哉俗以勢而成世兮勢以時而自然
渥時勢以太順兮存茲道以為棟森三端而翕張兮亘宇宙而推遷
仰惠啣生於黔雷兮肯棄受於崇圜飛元靈於泰虛兮收萬實於甫田
控太乙以貫之兮艤有無於齊詮撫羣有於日用兮秉神根之淵淵
羨諸子之敏修兮品交通而互全兆流歸而皆海兮億管瞰而均天
微無拂於風鳥兮碎或攝於筵尊躡太乙於九宮兮丙離章於太玄
機條條於木獸兮數斤斤於銅丸灼莘降之非異


兮易菽兵之茂茂

上四事謂諸葛公木牛馬張平子地動儀神降莘郭景純事舉四以例餘

抱鴻通以款塞兮疾細滯而浮漫
悉蟲沙而願遂兮當
緜猗而不難惟無欺與至慈兮
所不負於高旻坦詔鬼
而交神兮直衣焜而踐川
諶凡夫之妄顛兮北二子以
睽分謂殊儒而端異兮繆世教
而為三昔柱下用表而
存中兮師友於我文宣
竺尊儲性道之本兮其何事於
器譟千門萬室橫六內兮朝蜚波
而夕烟叩既尚此皇
符兮炬百幽於一焱戚城隍之湫
仄兮赦羣蟲之所廬

解故蹤於黟垢兮翺洪翼於蒼墟
穆修雲以為輶兮結浩氣以為輿
並三辰以循紀兮極八遐而同區
暖肺髮於若樽兮夕留輶乎融都
尊收道以前轅兮誥玄冥使迎余
召飛廉以興飈兮翬屏翳而滌塗
氛侵伏而淑朗兮恣余襟之所如
玩羣生之起滅兮觀兩儀之渙儲
朋山河以結解兮賓曜宿而盈虛
銜紫皇之默詔兮偕金女而同趨
統父母於元氣兮或天神而一衢
問日月其何紀兮哈死生而焉殊
真一性以長覺兮去六凡而不


居大哉余游奚適而奚來兮醫焉往而不歸與



明文海卷二十六

謹案卷二十六第二十九頁前一行達魯特舊作答

祿今改



欽定四庫全書

集部

明文海卷

二十七至
三十一

詳校官編修臣錢越

主事銜臣徐以坤覆勘

總校官庶吉士臣倉聖脈

校對官中書臣石鴻翥

謄錄監生臣朱續曾

欽定四庫全書

明文海卷二十七

餘姚黃宗義編

賦二十七

人事一

午夜讀書賦

有序 商輅

古人有言夜者日之餘也計暮之日三百六十兼之以夜而日倍之則功亦倍之矣矧日冗而分功反居夜之半夜靜而一業可當日之全故善讀書者日不

足每繼之以夜焉作夜讀賦

繫惟志士之征邁兮廼篝燈熒而夜讀爰發亡書之三
篋兮益羨張安世之目用宏夙儲於五車兮欲如邊孝
先之腹惟時羣囂屏而宴息兮將余焚拏之已就肅但
瞻戶外之三星兮止聞天邊之一鶩燒寶鼎氤氲之若
雲兮別銀缸清瑩之如浴疊廣文青氈之半榻兮下馬
融絳帳於高束酌春茗之蓓蕾兮點晚糜以苜蓿下應
氏之五行兮披鄴侯之萬軸訝皮編之敝於欲斷兮何

牙籤之新而不觸隨開洛誦之殷殷兮不輟伊吾之謏

謏幸分江上處女之餘明兮思耿耿而若翬

音木

陽氣時

滿乎大宅兮炯炯雙眸而逾矚惟熠燿之宵行兮又覩

望舒之餘於缺屋况蛩聲啾啾於四壁兮若助予呻吟

之碌碌時黝黝鼾睡在予之臥側兮輒不容而詈僕披

夕秀固無間於帖席兮然猶每借徹於圓木即旦日篇

什之已陳兮中宵無妨乎更熟不嫌引錐以自刺兮光

雖竭而更丐隣之壁煜矧復中壘之抽玄兮老人之藜

輝可續苟達人真覺之自來兮即廢膏油而問心之亦
足縮萬彙之華於眉端兮抉千古之秘於衷曲我思古
人之矻矻窮年兮夜黽勉固無分乎寒燠春罷犁而課
經兮夏囊螢而代燭秋聽聲而下曉兮冬映雪以三復
抑聞焚膏以繼晷兮用成韓公之宏蓄爰有聞雞而起
舞兮誰步祖生之芳躅對玄雞於處宗兮吐白鳳於天
祿何素王之足弛兮仍不寢而自勗雖元聖而未寧兮
每坐待以式穀嗚呼予誠有惜於寸陰兮何暇就安於

枕褥

將就賦 有序 桑悅

江右之龍泉令池陽張君大信政學俱優於人以將就自號蓋熟於處世者也予為之作將就賦詞曰

惟造化之茫茫兮允福謙而禍盈地東南缺兮天西北

傾

見世事不可滿意只得將就

譬彼築室兮留三瓦之不成

大厦既成缺其

三瓦見史記

惟苟合而苟完兮來宣尼之渥稱麤布勝兮無

裳得隴絕乎望蜀鳥有兩頭

外國有並命鳥兩頭爭食

蛇惟一足

見莊

子食覺蹇連行深躑躅躑躅兮徐致遠將就而行蹇連兮徐

充腹將就而食善乎張華之賦鶴鶴曰鶴鶴棲於蚊睫大鵬

彌於天隅將上方不足而下比有餘茂先所賦正將就之意吾仰

天隅之公卿俯蚊睫之羣黎月俸雖薄足以樂飢公宇

雖陋足以棲遲將就過矣知足常足得過且過將就之實風帆

易傾雲翼易墮不將就之成虛中者獲祉飾表者賈禍吾將

漸造不營之域無為之城到此地位將就熟矣微風亦涼片月猶

明優哉優哉聊畢平生得將就之樂

悶賦

張治道

愀然而生者愁也怵然而涕者悲也嗟余心之悶兮匪
愁匪悲發於心志淪於骨肌歛狂褫豪奪強返糜聰不
能測神不能知情然如愚憨然如癡神儻佩而不伸氣
炊吹而難排叶肇於一心攢在兩眉似求弗得如合將
離疲精兮垂首困智兮罔思出門戶而含恤入房廊而
靡之縱茹腕而策肥終含嗟而不怡混五情而悼悵雜
萬慮而鞿羈耳不能聞目不能視莫究端倪罔知終始

役心令氣少泰多否侘僚惘懣恫愁伯儼獨有於我何
分於彼將抑之而反亢欲斂之而彌侈與愁思而駉駉
將愴怳而迤邐尼父困於匡國文王囚於羑里情思之
而可同氣餒焉而相比若乃開華筵以速賓雜衆樂而
兼舉燈煌煌而在室鼓嘈嘈而弗止聽豪客之飛談若
蚊蟲之過耳情怔忡而不安心悵恍而轉委或隱几而
冥思或返神而內顧欲浩唱而未能徒瞀眊以自忤心
如灰而不死情如適而未遇天地瞥乎風沙日月慘其

煙霧惚恫憚餘絳結愠愉注黃流於玉笋發清詞於絳
唇口欲馥而不入耳欲聽而不聞遺百年之富貴失一
時之冬春窺人間之萬類若梁上之飄塵何笙竽之能
樂返簫管之增愠若夫却於春夏熾於冬秋雲晨霧夕
邃館重樓商風振木積雨飄林哀蛩送響落月在砧余
乃攢眉捧心裹被擁衾心煩意亂兮似醉編愁緝苦兮
如眠叶目收視而自省耳返聽而內聆思恍恍而彌結
心俺竹而如醒與娛樂而不穆處寂寞而不爭守一途

而無他抱耿耿而在中叶思紆鬱而靡放情飪飪而如
驚似顯類而莫競何矐矐之能精若乃登高山以騁望
厖崇岡而放神思蹇產而靡悅心鬱悒而不伸煙霞明
滅而罔見虎豹悲鳴而不嗔坐危石兮意漫漫眺遠林
兮心悠悠採幽蘭兮迷空谷折瑤草兮失崑丘惆悵徘
徊踟躕淹留乘紫鸞兮望九闕駕八龍兮遊十洲洲島
不可以遽上兮突然思之生繁憂重曰造化無情兮陰
陽平日月罔晦兮萬類生天地無悶兮歲功成何不屈

其情與造化而偕行

止漁賦

趙樞生

繫東南川流之浸大海朝夕之池三江茹納百瀆總輸
萬品彙育庶族潛滋鯤鵬變化鯨鯢走趨何珍不萃何
怪不儲爾乃沿江介控水許鍾澤國障陂渚有浦有潭
有堰有澗皆滄溟之遺潤亦江湖之委聚似星宿之發
源作羣流之窪滙湜湜其流沄沄其止芟蘆列而蔽虧
葭莢蔓而軒翥篠蕩紛敷蘋萍萃止漁人泛宅舟師浮

寓網釣每生絲綸是理爰有濱河之夫傍海之子昉蓮
葉之輕舸窮衆川之源委張巨維以作網析衆目以振
紀浮片木而排筌沉寸鐵而繫趾將釣巨鰲於茫洋運
吞舟於鈎餌也於是主人諏日送徒循流矢魚盪雙槳
之如蘭放一葦之若鳧初投石以震潛旋扣舷而警愚
時則秋鱸屬思冰鯉告獲魴美周南鮒標義易曰鯢曰
鮎維鰈維鯨鯢蠃鰻巨鰲蟄蟻異狀竒名不可殫悉
並育種於深淵盡罍體於罾繳爾其默駭潛驚飛攢浪

擲軼絃迅逝扶綆遐逸觸湛綸而躍輕軀中芳餌而藏詭
跡曩騰踏於風雲竟唵喁於滓汨星留無以匿形蹄涔
安所寧宅合九罭而誰何布四維而莫釋裂鬢鍛鱗暴
鯁折翼噴沫流津噓涎屏息始張眸而潑刺遂掉尾而
翕撒陳尸鱸板之中列籍波塘之側朱殷草萊鮭濺阡
陌汗液淋漓脂膏絡繹毒遍海隅怨盈天澤昆蟲喪氣
鱗介奪魄釜鬻需晷刻之期枯肆覬斗升之活信先王
所隱悼而仁人所憫惜宜虞衡絕數罟之投川澤禁罟

置之入解四面戒三驅斷連絃屏羣置却敵師而不用
謝舟鮫而無為鸞刀自敝珍繪何施澹澄潭之如鏡園
萬類於安棲風波不起宇宙寧夷庶窮魚之咸若示大
造之無私

愍惑賦

有序

汪必東

汪子讀書雋溪之南見鄉人鳴積善者往往外儒術
崇異教垂老畏死咸作道佛事曰貯冥財以資鬼用
奔奔焉波波焉勞百念罄百材而為之而不知其惑

於二氏之厚誑思欲化而力莫之勝也作近賦以懲
之其詞曰

蠢蠢我民曷時有靈一教棄正二惑蠱明崇佛信道謀
死於生讖經表錄夸毗善聲方其一念詖邪百計紛奢
運薪采木貨豆易麻料菜理果釀酒焙茶黍梁布帛筆
札丹砂下及器具靡不羅爬逮夫緇黃至止華采嚴莊
祥播遠樹諭榜高張鑿楮為錢編竹為箱錠以金銀繪
以衣裳羽羽焉鱗鱗焉青紅黛白費不知其幾千萬張

於是鋪陳怪象羅列堂廊恍臨玄帝儼見竺王焚香裊
裊列炬煌煌奏鐃鼓之法樂開傀儡之戲場闕謎談於
上界羅禮拜於下方駭比隣之耳目走男女之交相爰
鐘鳴而鼎食或三曉而七光侈外觀之虛美而內醜之
或戕忍百日之經營付一火之災殃并數年之蓄積傾
二氏之橐囊彼終迷而不悟反得意以揚揚謂寄泉貨
於冥府謂布福果於幻方謂錢神死可以資食謂紙灰
死可以裨裳不知百物經火與塵土而飄忽人生蓋棺

等大化之渺茫何形跡兮可覓何方所兮可藏況乎死
生人鬼理互陰陽人既託財於鬼主鬼必通貨於人皇
夫何人之寄鬼者紛紛籍籍或百簣而千箱而鬼之遺
人者寥寥落落卒不見其一簣而一筐悲乎愚哉民之
惑也官有常征弗督弗完親有常養弗力弗歡酬師一
縷忍弗能拚祀先一盞長揖敬闌孤貧百丐哢嘍色難
二氏何功而好且貪悲乎愚哉民之惑也談常則厭語
怪則喜借曰有之爾盍為人謀人為鬼謀鬼且以爾之

羨餘赴君急難隆親甘旨殷祀祖宗義訓子孫周爾族
屬濟爾隣里宴爾親朋樂爾生理待其既斃然後與爾
無形影者謀無聲臭者處而乃勞勞焉假生以濟死雖
貧乏而效尤雖喪富而不悔也耶嗚呼孔孟之派寢微
楊墨之火滋熾觀習俗之猖狂感盛衰之相襲讀昌黎
之遺言增志士之長息

逋歸賦

有序

張文宿

竊謂御詭則禽獲釣直則魚沉冰凍則龍潛煙燭則

鶴避是以公輸不以木曲而改繩伯牙不以聽稀而易操也古今之歸者多矣如尼父之歸與淵明之歸來二疏之乞歸沈約之求歸二張之同歸逮今空同子則曰宣歸仲默氏則曰述歸歸雖不同其志一也余學易者况才拙而位卑力孤而性直勢不得不遁也故作遁歸賦以辯隱顯之跡以叙得失之由以定從違之志俾天下後世知余之所以歸者非敢僭附於驥尾也辭曰

念余髫之甫童兮奉先志以自研荷成均之鎔淬兮仰
英軌於昔賢唯性魯而寡儔兮獨日夕以乾乾及銖累
而寸積兮頗繩貫而局連望天衢以上征兮世以文而
為梯苟機會之適來兮普龍德而博施忌時命之坎壈
兮屢升高而逢危惕年歲之將邁兮姑小試於割雞雖
列土以附庸兮責實重而易墮余既承此遐命兮懼薄
劣之不支躡清源之屹崒兮樹叢筍而石巉何虢猫之
負其隅兮又訓狐之嗥其巔風颭颭而熨人兮雲黯黯

而蔽天承瘴海之毒流兮黃霧噴而觸顏唯側躬以服
勵兮心兢兢而靡寧值世維之反覆兮咸好濁而惡清
既爬弊而剔蠱兮期邦猷之允升何民俗之獷悍兮多
棄禮而尚爭攢霜戟於塵胃兮每下虐而上凌故持辟
之或矯兮夫豈余之初情況羣朋之罔恕兮動號族而
結侶冒堯冕與舜裳兮蘊侏儒之儂窶余固非騰空之
驛騶兮亦入器之臚鮑何纖銖之未嫌兮輒攘臂而詬
語余既負此耿介兮唯持正而不阿寧筭瑟之相反兮

胡薰蕕之可和若黨人之叢毀兮荃不察而同訛遽信
以為不慈兮反疑璧之有瑕測籛篠之孔壬兮挾左道
以為戈使藻鑑之獨精兮安能被其媵嬰視繁星之薄
掩兮顧予心庸何傷唯指鳳以為鵬兮誠有欺乎盛明
欲仰天以自白兮又無良媒在傍將竄節以求樹兮恐
失身於否臧或孤進以謬直兮徒激怒而增殃設徇徇
以苟延兮何忍為此蠅營與其逐鳧雁以嗟藻兮曷若
效蚯蚓之歛塵嘉蕙草之不汚兮以其別衆類而獨芬

遇濁世而榮寵兮固非余之夙心雖見斥而窮處兮屈
吾蠖而勿信賈生以獨立而被謫兮叔子以羣惡而蒙
難魯連燭先幾而長辭兮仲舒憤不遇而興嘆考淑人
於先世兮多受讒而遠竄何申生之沉江兮彼捐育於
狂瀾余誠拙而寡謀兮亦數之所遭絜龍劍以遐逝兮
旋余轡於蘭臯揖九鯉之靈貺兮駕三山之叻濤越七
閩之襟喉兮跨二君之虹橋陟仙霞之崇關兮當四鎮
之所交指會稽以西邁兮望故都而逍遙選湖山之奇

勝兮簡元辰而築居伐辛桂以為棟兮挽澄波而濯衣
探孤山之梅鶴兮招白雲以共怡采瓊枝以為珮兮雜
幽蘭與芳薜截洪竿以垂釣兮據玄洲之奧區趨孤跡
於物表兮豈嫉妬能障之省余躬之既遯兮雖幽屏而
不窮環仁義以為域兮列道德以為墉闢玄牝以為戶
兮建太極以為宮驅豐隆與椎革兮役蓐收以扣鑼舞
霞袖於馮夷兮豎雲旂於蒼龍布勾芒使值春兮命玄
冥以司冬奔左右於玉臺兮坐上帝於其中運四時之

變化兮察性命之始終，擴仁孝以事天兮總萬物而併
懜，承慈顏於萱闈兮伺桑榆之寸隙，苑千古之鴻裁兮
復游心於羣籍，抽黃神之遐緒兮索莊老之玄極，檢周
秦之遺編兮標漢魏之奇表，顯唐晉之芳葩兮浣梁陳
之陋習，尊六經以為祖兮叙百家於杪席，顧謏才烏足
以與此兮亦當策蹇而追逸，倘微名之可成兮庶前美
之能匹，慕古人之浩曠兮寧偪側於一丘，肆博觀於坱
圠兮延歷覽以淫游，揮青霓以驟乘兮呼白龜以負舟。

召飛廉使前導兮問直符之所由朝發軔於暘谷兮夕
返駕於西甌跨九野而超八延兮遵五嶽與十洲指余
節而南征兮令青童以為媒候松喬於仙掌兮跪華鬋
之崔嵬邀彭期於海上兮抗瓊館以洪厓訪僞祿之故
居兮濟長江而涉巨淮淬靈波以拾瑶草兮渡弱水而
窺蓬萊忽臨風而興愴兮激沅湘之湍瀨弔三閭於汨
羅兮渺不知其所在羗既不甘於披昌兮合完軀以遠
害胡遽沈而不疑兮蹈申生之故態彼上下之迷誤兮

審伊余而何罪乃自葬於魚腹兮豈讒夫之為崇方悵
望而猶豫兮邁至人於中途告我以往者之莫招兮仙
人之不易圖矧洪河之湫漫兮與行潦其合汚豈不見
世路之岨嶮兮乃南奔而北趨汝既憑軾於大雅兮又
御舟於錢湖盍順時以安志兮守三吳之舊廬保神明
之澄清兮游吾心於太初唯含英而握華兮期永息乎
桑榆苟顛恣而不信兮請解袂以獨驅倘葛言之足采
兮吾與子其同車亂曰歸乎來哉仲尼之德衰接輿笑

兮彼豈昧於隱顯畔斯道兮余何人斯敢不踐先生之
芳躅以終領其教兮

夢歸賦 王材

余何索索而夢歸兮自邇歲而益頻夕抱衾以就寐兮
至旦晚而相循時游歷於川梁兮指郊郭以忻忻復迴
游於帆檣兮望故里之無垠忽轉幻而得路兮山川鬱
其更新親賓僚以雜萃兮又門巷之未陳宛髻卣之階
闈兮聽嚴訓之諄諄偶飮餼之紛縑兮又衍然釋冠服

而飢比隣蔭溝蹊以春遊兮美宿植之蓊蓊瞰川魚以
映日兮布白石之彬粼蹇遭廻而侘傺兮慨輿僕之頑
斷儼失携於中道兮悵所往以弗申杏花竹以盈洲兮
驚好鳥之馴馴奉慈親以康樂兮酌椒桂之芳辛洽親
戚之藹藹兮揖棠棣之津津亦往往述其宦迹兮曰不
能骫弊於凡倫紛糾糾其莫紀兮恒一夕而屢變奚歷
載之吮嚙兮曾不離乎鄉縣晨豈不趨乎宦省兮事豈
不經乎當世之羨况聖君賢相穆穆休休兮士亦咸懷

於自見既通籍於金閨兮豈果哉而自善顧情愫之默
成兮恒自愜於荒賤涉膏珍之芬馥兮獨怡儼於藜藿
鳥榆枋以自止兮未遠飛而已倦沼鱗盈畝以唵喁兮
無得乎滄溟之浩衍念自抑以乘時兮嬰固陋之非淺
愈懂懂於去住兮追鹿蕉而莫展輒獨抱而長嘯兮瞰
左右之莫辨槩千古以內哂兮庶退約之無譴夢兮何
疑覺兮何睠吾將惟夢之從兮毋為覺之所眩

明文海卷二十七

欽定四庫全書

明文海卷二十八

餘姚黃宗義編

賦二十八

人事二

歡賦 有序屠長卿

余處冗賤百憂煎人側身天地長苦跼踏思欲揮悶
散心寄興楮墨我思古人動多憂愁昔士衡歎逝文
通賦恨驚心動魄一字一歎每一披覽秋氣颯颯風

兩欲來使人惻愴幾不知有生人之樂矣友人馮夢
楨謂僕曰子何不為歡賦悅心暢意破彼我之煩悶
宣萬物之鬱塞則此道貴矣夫愁苦之語易好歡娛
之言難工然烏可以其難而含毫沮喪也於是為賦
焉文通諸君子見當掩口

晨登山阿下覽八紘天地開朗風日熹明遊人出嬉川
途載平於是僕本曠士解顏暘鬱百慮盡捐萬愁若失
我思古人歡情靡一娟娟皇娥夜處璇閨薄焉遵渚帝

子是依精靈感化中心不違清歌相答游漾忘歸軒轅
守和冥心合道夢遊華胥萬國熙皞終登崆峒後天地
老子晉仙才神骨蕭爽丹經既成捫霞直上羣英夷猶
九州糞壤薄富貴而不懷希世外之幽賞英英穆滿志
狹乾坤萬里烟霧八駿雷奔謁西王母登彼崑崙奏白
雲之長謠俯弱水而歷天門秦家公主氣凌紫氛一當
蕭史遂厭人羣攬虹霓而作佩製丹霞以為裙睇樓上
之明月躡天邊之彩雲長辭綺閣永隨夫君千秋萬世

此樂何云越王破吳奏凱言歸載蛾眉於金車挂將士
以錦衣樓舡壓江濤朱旗晃日輝緹騎填乎廣野羅綺
盈於中閨堂上燭滅笙歌不喧尊壘酒清房櫳月昏閣
者出客主人留髡坐細毳以終夜傾一石而何言至若
漢帝英雄初誅項王山河入掌弓矢斯藏過豐沛兮訪
故偕父老兮尚羊歌大風而忼慨覽雲氣之飛揚又如
延年獻歌夫人初御驚玉骨之凝霜艷輕綃之如霧樓
閣含風階除墜露洵明珠之照人判傾城於一顧衛霍

出帥士馬精強匈奴滅漢道昌黃金朱第列侯煌煌
釵作隊歌舞成行相如弄琴文君私喜臨邛夜亡成都
歸市姿態艷目芙蓉心死紅蘭茁芳砌青苔生玉妃雖
貧賤其何傷願百齡以為矢若夫太液波明昭陽月滿
香蓮罨舟涼風送管黛色欲絕歌聲乍緩既和媚而魂
癡亦宛麗而心斷兔園既開梁王意歡碧瓦宵白朱門
夜寒集詞客之鴻藻駈凍雲於毫端孟德芟除四方蒿
萊雄圖既就猛士歸來引漳河以為池鑄銅雀以為臺

清吹干雲步軍轟雷高歌烈士泰山崔巍陳王妙才應
劉卓犖寶馬金羈光輝歷落出馳東郊歸燕平樂神飈
蕩空青山映閣會稽諸賢遠覽高步山川崩峭雲物莽
互喬松夾道脩篁繞戶一詠一觴凌虛徑度庾公風流
作鎮武昌挾賓佐娛景光暢飲其無人代長歎而下天
霜又有征夫戍邊思婦含悽長想忽見遠行乍歸今夕
何夕月白星輝高堂敞兮春溶溶朱簾捲兮秋漫漫新
昏合兮出瓊珮佳期至兮藉芳蘭金爐兮乍焰紅燭兮

未殘莫不歎爾彌洽爽焉和愉寸腸不結雙眉長舒知
離憂之為何物宜羨夫神仙之所居

孤燈賦

顧紹芳

當夫義和促駕陽景戢曜露凝霜而未飛星含芒以漸
照肆目則黜黯而若迷極聽或泐吟以如吽爾乃燧人
獻伎祝融效靈沃以馨蘭之膏列以黃金之檠覆以綃
縠之幕然以琪華之莖續龍銜于既灰俾幽室之大明
爰有貴人公子耽妖冶之劇游縱浩麥之至娛曲房隱

閒高軒周疏左擁妓女右挾子都趾動流光齒露生姿
盤辟巧笑終宵不疲玉漏漸撤猶仰餘輝又有遷臣逐
客投湘竄澤損啼兮腸斷林嘯兮夕惕淹寂寡倚面之
太息亦有傑客俠朋豪舉踔厲風流相師吐辭眩日積
醜成池振歌舞吹塌荒御翠尊撫瑯卮為歡未央聯翩
淋漓恍修炬之燭朗佇扶桑之朝暉又有思媛成婦神
挂紫陌魂馳玄闕日晷空擲良夜徒闌握金剪以凜霜
抱孤嫻而盤桓睹殘燼之在壁攢哀思而長嘆茲物情

之詎殊亮憂愉之異觀惟余今之所覲將為悲兮為歡
始焰焰以昭爛既憧憧而飄飄乍隱乍舒若邇若遼當
隙風以披靡近閒牀以次寥于斯時也鼯鼯啼規乎其
側塵空繚繞乎其上月皎皎以奏光雁啞啞而飛響悄
焉孤影淒其萬狀爾乃沈酣千代咀噉百家彤管吐精
竹素揚花寐不知其枕席游罔借其煙霞於是孤燈亦
熠爚吐氣輪囷生花似目余以知己矢久要而靡他亂
曰聘靡曼兮寔無貲狗節俠兮獨無徒蹇余賤兮焉所

放穆余姣兮焉所思
坎兮軋兮大化紛以離披
乘運順流安余其居
余弗知其憚又焉知其悲
願優游以卒歲請終身而誦之

罪鬚賦

有序

靳學顏

予試童子見有魁梧而甚鬚者命作此辭不諧吾意
遂援筆製此以示風焉辭曰

遵彼旄丘莫赤匪狐叔兮伯兮有鬚丈夫爰自鄉甸來
適都市曰往試乎偕彼童士童士曰嚇於思於思譽髦

方臻爾胡為哉兵衛總總大夫在公髯於象中緣階自
東既旅進以獨聳指危冠而上衝乍引領以斂翼忽脫
穎而露鋒於是髯也俯而不昂肩高頤隱欲蓋彌章大
夫曰髯前吾語汝道遠云來跋躑良苦汝其心童而貌
則皤顧名思義人其謂何髯謂大夫失之子羽長揖不
辭將歸有處既歸返舍盛氣自厲攬玄錫之光華鼓金
錯之利器鏗將舉而未下先聲罪而矢意曰陶無見膚
其以汝貴何吾殖汝迺貽棄累凡吾百體纖悉有以盡

決爪搔冠以髮紀曉衛離朱毛通肺理宛彼兩眉所占
無幾輔頰匪尺而據踰中實繁有徒汝吾奚功發論則
附以作勢微詞則鬱而不通解顏而燦然之美若失長
嘯而宮商之旨弗融雖有嘉食淋漓引膩雖有麗服覺
我形穢流火之期揮汗成雨紉扇弊搖亟麾不去積塵
為垢積垢為蠕無而不治疹其興諸是用多方剪理拂
䟽嗚呼子鬚汝大負子上官見憎職汝之居龍蛇之蟄
時有卷舒寧不少潛以忍須臾顧乃森發爭張競挺參

鬢侵顴翼腮蔽領黃氛繚繞赭茸不整使我染翰無光
吐氣不揚誓將決汝離彼故疆已而鑷人呈技待詔獻
功芟蕘搜剔根株斯窮長條冉冉以錯落弱苗離披而
飄蓬既乃假寐隱几憮然自喪鬚作人言見夢陳狀曰
予受命與子形俱妍媸在子不在吾鬚內克外瑩血氣
有餘赭茸不整子自中枯不曰妍乎綽約妙姿黜光可
鑒玄珪載垂穆穆長揚清飈吹之落落喬松麗葩施之
吾於此際何負人為且夫昂龍墮小臣之泪編虎設尼

父之戒賁須上興和樂示愛子之無情一何自壞禮云
斯須不可去身我須我友詩範人倫智者不拔一以利
世何吾子之棄彙而捐親

巧賦

有序

孫宜

巧者何傷仕之謫也

遂古之初道惟一真厖厖噩噩混混冥冥時皆朴蕪世
罔哲霧緣渾而治循厚而行錐者就絀稊者孰淪詭者
孰褒猥者孰稱醇風肆颺本俗用成嗚呼噫嘻敦厖既

分渾朴以喪雕鏤是工鑽研是仗悃欵者麾呶訾者尚
正直者棄喔咻者放突梯者顯滑稽者相衆方貿貿莫
知攸為僉曰俛俛固適所之守蹇則怯徇捷則疑厥有
巧夫曰識時宜掄聰揣慧荅鍵發機觸物妙見當事計
施非為世縛不與道稽出則響應用則影隨斂則電伏
運則風馳變則雲煙幻則蛟螭詭爭詐騁孰譽所會竒
蹤異態翩其可畏故若隆隆者時赫赫者位指授君造
掌握朝寄低昂重輕噓吸榮悴禍福與階死生併係既

人以聲亦侈厥氣勢雖灼爍我獨獯利爾其妖媯狐惑
墮坎猱攀蘿依蒿附根引枝援折節降意屍心覷顏秘
潛畏境晻昧當闕入於左腹持彼要端矯趨偽合曲順
旁干術寧缺漏智固遺慳是故傳璣宛珠堅琨瑩璧裹
蹄馴蓋冰綃霧帛索咸高價市本絕域隱購冥搜遐求
泐責恪慎標題續嚴封籍馳以腎腹約以時刻旦啓途
津暮充藪澤假物奉交緣情寓識推轂汲引庶几斯策
下逮侍僮弄僕嬖媵豪兒廣為賕賄咸有賂貽稱名敬

納舉號哀祈渠官某秩孰地誰司心乎愛之懷欲得之
賴假調協矢翼維持片言倘辱千金不欺迺至幕客座
賓周親近故苟可贊辭但能獲助鮮論同異無分今素
重足伺庭多岐覓路環贄奚慳珍貨畢付獻達悃忱開
示臆慊稠疊表虔周詳見慕浼以先容因而媒顧若夫
湛恩濡渥峻級崇班偶增一命時進一銜或當壽紀容
值譙歡晨雞未聽駑馬已鞍投謁貴室整沐華冠出詞
袖內捧筭筵間德頌旦奭功誇范韓爭新停駟市寵聯

寫時乎弁屨悉臻縉紳咸共發言盈庭借箸有衆利害
懸招蒸黎係重有凜而斷亦微而諷正則砭礪竒斯切
中聆者忤深覲焉恨痛載觀若人善藏其用順語逆探
陽操陰縱舌任轉易口與彌縫又若續紛國度膠臄帝
幾權將奚撓職豈攸移彼勢之子曰予利斯循軌者隘
沿法者泥彼甘一怒我曰兩宜鶻突含糊模稜脂韋願
吹頷仰巷遇牖窺以綿厚眷以結殊知迨夫寵過災生
釁深禍萃對理陳寃裸躬屬吏狡免嗟興鷓夷革被於

斯之時及門之士善自解携速為規避遠跡內踈逃嫌
外議偽無半面佯寡尺幣苟免是良負心疇計嗚呼噫
嘻人有爵位我則取之人有利祿我則有之彼取者何
惟巧取之彼有者何惟巧有之凡此者術孰云語之凡
此者儔孰任數之於戲噫嘻天地賦性醇樸章章矣人曰
受形厥有常矣廉潔弗馳真原固矣彊梗弗撓本始復
矣此謂吾能寔云賊矣彼謂吾知寔云拙矣於戲噫嘻
茫茫大塊悠悠蒼旻吉凶原數禍福匪人左伏右見細

逝鉅形疇敏而道疇慧而成我敏彼又我慧彼能於戲
噫嘻衆人皇皇未值其定昊天曰明厥有成命源古稽
今近述遠證窮豈盡樸達豈成競守道藏晦人逆我順
險闢譎繫成者幸君子聽之母侈厥進

燈花賦

徐焘

陽暉乍匿陰魄初生曲房暗室短架孤檠剔銀缸於獨
夜蒸蘭膏於深更歔吐萼而結蕊徐擢跗而舒英光閃
閃以搖玉影離離而綴瓊侔寶炬之羅列讓庭燎之晶

熒爾其非綠非青如珠如紺艷態芬敷冶容璀璨素辦
宵燔丹葩夕煥垂穗抽條縈枝繞幹既乍翕以還張偶
將明而復暗青蓮傍火以爭開金鑛在爐而鑄鍛孕蓓
蕾之轉鮮闐葳蕤而愈爛若乃囊挑金粟釵綴玉蟲熠
耀宵行而獨照蜻蜓拂水而雙瞳飛蛾投明以赴火浪
蝶誤色而隨風不異泣鮫珠於月裏何殊剪綵勝於宮
中至若席啟芙蓉尊調芍藥絲竹遞鳴履舄交錯輝掩
映於晚妝焰朦朧乎翠幕綻奇卉兮芬菲絢天葩兮的

爍任更籌之云殘洗杯觥而猶酌別有征夫遠塞思婦
深閨為歡未罄決絕分携拚錦衾而寄慨揮羅袖而空
啼雖占繇於永夕難委恨於孤棲燼伴妝而共落暈繞
思而俱迷况夫志士窮經騷人授簡偏惜夜長恒愁晷
短垂帷下篝含毫搦管悵年華之不留念景光而莫挽
羨夜明之珠胎重含輝之琰琬豈曰嘆榮瘁於須臾實
效燃藜光於日晚

乍見賦

徐熈

嗟人生之轉轂兮恒一東而一西恨踪跡之流萍兮真
聚散而弗齊痛遠別兮道路邈嘆離羣兮天一涯傷人
遐而室邇感會少而情睽歛不意以遭遇或無心以追
隨既樂深而不殫復喜極而難持若乃曲院踈楹涼天
靜夜絕過客之履聲寡高人之軒駕落月滿乎屋梁寒
雲停於草舍倏驟見兮綢繆陳酒殽兮杯筯樂傾蓋兮
方新驚會面兮何乍烏鵲已飛鸛鶴猶卸至若臨邊戍
客廿載塞垣雲埋龍漠月照雁門遼兵朝闕牧馬夜奔

顧身自恨吊影難言偶故人兮邂逅揮涕淚兮寒溫迷
沙場之痛楚問鄉國之田園當年髣髴兮白復白舊日
交遊兮存不存乃有五陵少年千金任俠重諾輕生執
仇飲血愛趙女兮秦娥指青樓兮紫陌過狹邪之娼家
邁邯鄲之賓客選絲竹兮徵歌奏笙簧兮按拍玉燭羅
幃璫筵玳席行醇酎兮千巡盡歡娛兮永夕或有深閨
少婦久別征夫雁稀鯉絕日居月諸秋風冷落芙蓉帳
夜月空明翡翠襦愁復愁兮容色改怨復怨兮形影孤

值夫君之歸輪聞門外之嘶馬涉遠道兮言旋喜從天
兮而下慶再世之伉儷隔幾年之春夏嫵婉由此兮重
伸別淚從今兮不灑至若永巷長門深宮淒惻紅葉傳
情團扇掩泣着舞衣兮空自傷歌悲愁兮倍於邑閨椒
室兮徒含情恨君王兮不相識一旦親召幸非常賜顏
色得寵有時承恩無極其或才子風流高唐夢寐朝朝
暮暮雲雲雨雨二八佳人妖嬈旖旎被繡縠兮桂裳服
羅紈兮績綺迴眸轉盼芳心歛起雖夢幻之非真亦交

懼之堪喜又若修真羽士拔宅飛昇黃龍可御白鶴堪
乘游玉樓兮金闕踏紫府兮瑤京視人間於凡濁謁上
帝於杳冥拍羣真兮嚼瓊蕊揖八公兮參雲駢欣聚首
之有數幸宴樂之匪輕若夫流落羈臣長沙遠謫鵬既
來棲地復卑濕一朝命下身歸故國談夜半之鬼神會
至尊之前席上與下兮相親悲與喜兮交集又若文人
墨客千里神交偶通姓名於逆旅或枉車駕於衡茅似
磁引鍊如漆附膠又有苧羅妖妃江漢遊女逍遙水濱

顧盼江沱一見兮目成相對兮魂褫既贈珮兮委
心不投梭兮折齒別離倏忽遽會非常雖日月之
逾邁豈中心之能忘覺悲欣之交戰疑晤對之倉
皇誰能當綢繆顧戀之際而不神爽飛揚者乎亂
曰伊擾擾之浮生真如過客兮迺世路之多歧何
太輻仄兮惟人生之見期詎能預必兮祇惛惛之
憂心殆真如積兮憬彼迷途之茫茫益寤天地之何
極

饗客賦 夏樹芳

會稽子門下故多客客有曼衍支離而善彈壓者輒握
麈希夷而笑曰子之堂有詞客有劍客有俠客有說客
有章逢禮義之客所謂饗客者何居會稽子長嘯纒纒
而答之曰吾聞饗者嗜財饗者嗜食舖糟餽醕風斯下
矣請為子談諸客是故語詞賦則吐鳳吞龜膏龍繡虎
藻揆天葩靈開秀圃昔人所稱咳吐落九天隨風生珠
玉者非詞客乎語劍客則揚紫電淬流黃躍青萍舞含

光揮斥八極天地低昂非劍客乎語游俠則慷慨淋漓
激烈瓌竒義重泰山名垂四維一死輕鴻毛而功成不
受賞非俠客乎語說士則押闔權輿一縱一橫口若懸
河目如曜星投足所向判若畸羸彼夫捩跋揣摩而趨
時如炙輶非說客乎若夫章逢禮義之客此吾家分內
事無容贅矣抑上所稱數客者右多負雋畧而宣現行
今則托宿於此而純盜虛名猶夫日及之竊梗楠山雞
之窟長離也請言饗客夫饗客者非史非曾不真不贗

迹埒散儒乞墻居半態若餓鴟捷如壘斷賓未翅夫初
筵鼎已嘗其一嚮熊蹯未熟而食指先驚羊舌既理而
客心猶戀肥腩甫入於喉甘芳若達於面盼需雲之油

油樂鴻磐之衍衍一者噲夫鰓鮓逐諸侍舖容若沉若

洎錄影鮓怨餽逃饒崇二者大舖饒飽餽栢饒示餽飲

如逐如馳饒銀餽盞餽頂三為饒口饒滄餽意饒

撐鐘林頡之頡之饒借饒熾饒登餽林四則鼓腹餽飲

飢官饒叨餽遣左顧右攬饒敦饒零饒農饒熾蠢爾

餒士餒飢 餒恨 餒侍 餒飽 前喁後於餒坎 餒厄 餒救 餒

飽此皆飲食之徒望門投轄以身為壑曾不知節其行
越越伊口嚅囁蓋俎豆衣冠之所不容剌利旃陀之所
不屑奚足以厠周孔之門挂詞臣之頰乎將俠客視之
為烏有說客視之為土苴為蟻蠊仗劍而游者曾不足
以膏霄鍊而蘸夢曹也語畢會稽子復愴恨挪揄而贈
之以歌歌曰大道邈邈涂多怒飢四豪不作三河蔑如
孰鳴短鋏孰曳長裾侯鯖不設壺飡莫携中人事事市

惠飲醢雖則飲醢昌棊枵樗已而已而今之為客者殆而於是饗客泚然汗下而機發於踵曰舍爾靈龜觀我朶願屠門大嚼壯夫不為蓋下莫下於饗客而肝蠻醢雞之不如矣然而詞客者靡劍客者霸說客者橫俠客者邪抑亦有志者所不齒先生為世大儒其為我執牛耳而攻之我其從先生游食簞瓢枕曲肱追詩書守固窮且絃且歌金石相從願洗滌前愆而作儒門之鼓吹乎健於是鬻於是

明文海卷二十八